


Wen God Mek Everything



19

20

21

22

Written by Edward Hughes
Illustrated by Byron Unger; Lazarus
Alastair Paterson

Translated by: www.christian-translation.com
Adapted by: Bob Davies; Tammy S.

Story 1 of 60

M1914.org

Bible for Children, PO Box 3, Winnipeg MB R3C 2G1 Canada

License: Yu have di right fi copy or print deh story ya,
as long as yu nuh sell it.

23

God know seh all a wi do bad tings
weh Him call sins. Death a di penalty fi sin.

God love wi so much dat Him sen Him Son,
Jesus, fi dead pon di Cross an pay fi wi penalty.
Jesus come back alive an go Heaven!
Now God can figive fi wi sins.

If yu waan fi tun weh from yu sins, seh dis to
God: Dear God, mi believe seh Jesus did dead fi
mi an now him alive again. Please come inna mi
life an figive mi sins, so mi can have a new life
now, an den be wid Yu fi eva. Help mi live fi
yu as fi yu pickney. Amen. John 3:16

Read di Bible an chat to God every day!

Jamaican Patois

A who did mek wi? Di Bible, God Word, tell wi
how di human race come bout. 'Long time ago,
God did mek di first man an call him Adam.

God mek Adam out a dust from di earth. Wen God
breathe life inna Adam, him come alive. Him find
himself in a pretty garden weh name Eden.



1

2

Before God did mek Adam, Him mek a beautiful world full a wonderful tings. Likkle by likkle God mek hilly place an grassy space, flowers weh smell good an some tall tall tree, pretty pretty bird an bees weh nuh stop buzz, wallowing whale an snail weh slippery. As a matter a fact,



God mek every ting weh deh bout, every single ting.


3

Wen every ting jus start, before God did mek any ting, only God did deh bout. No people, place or ting. Not a ting. Nuh light an no darkness. No up an no down. No yessiday an no tomorrow. Only God did deh bout weh never have no beginning. Deh so God start act. In the beginning, God mek di heavens an di earth.



4

An di earth neva have no form or void. An darkness did deh pon di face a di deep. Den God seh something. "Mek there be light."




5

An light come. God seh di light name Day an the darkness Him seh a Night. An evening an morning a did di first day.




6

Pon di second day, God bring di water fi di ocean, sea an lake in a order under Heaven. Pon di third day, God seh, "Mek dry land appear." An it jus happen.




7

God did even tell di grass an flowers an bush an tree dem fi appear. An dem jus come so. An di evening an di morning a did di third day.



8

Den God mek the sun, an di moon, an so much star dat not a soul able fi count dem. An di evening and the morning a did di fourth day.



9

Sea creatures an fish an bird a did nex pon God list. Pon di fifth day Him mek swordfish an tiny sardine, long leg ostrich an happy likkle humming bird. God mek every kine a fish fi full up di water pon earth an every kine a bird fi enjoy di land an sea an sky. An di evening an the morning a did di fifth day.



10

After dat, God seh something again. Him seh, "Mek di earth bring forth some living creatures..." Every kine a animal an insect an reptile just come bout so. Dem did have elephant weh shake di earth an busy beavers. Monkey weh a gi bare trouble an clumsy crocodiles. Worm weh a move all over di place an bareface chipmunk. Tall an mawga giraffe an cat weh a purr. God mek every kine a animal dat day.

An di evening an di morning did a di sixth day.



11

God do something else pon di sixth day - something quite special. Everyting did ready now fi man. Food did deh inna di fields an animals fi tek care a him. An God seh, "Mek wi mek man inna wi image. Mek him be lord over everyting pon earth." SO GOD MEK MAN INNA HIM OWN IMAGE; INNA DI IMAGE A GOD HIM CREATE HIM ...




12

God chat to Adam. "Nyaam weh yu want from outta di garden. But nuh nyaam from di tree of di knowledge of good an evil. If yu nyaam from deh tree deh yu a do dead."



13

An den di Lord seh, "It bad seh man deh ya by himself. Mi a go mek a helper fi him." God carry all a di bird an beast dem to Adam. Adam give all a dem name. Him did really have nuff sense fi do dat. But still none a dem never was a proper partner fi Adam.



14

God den mek Adam drop asleep. Him den tek out one a him rib dem, God den mek Ooman from outta Adam rib. Di ooman weh God mek was di right partner fi Adam.



15

God mek everyting inna six days. Den God bless di seventh day an mek it a day fi rest. Inna di Garden of Eden, Adam an him wife Eve did really happy a obey God. God a did dem LORD, dem Provider an dem fren.



16

Wen God Mek Everyting

A story from God Word, di Bible

deh inna

Genesis 1-2

"Di entrance of Yu Word dem give light."
Psalm 119:130

17

18